

全上古三代秦汉
三国六朝文
梁宋齐
第七
函
十
册

全宋文卷五十

烏程嚴可均校輯

孫康

康太原中都人晉長沙太守放孫元嘉中爲起部郎遷征南長史有集十卷

團扇銘

有圓者扇誕此秀儀晞露濯色擬日定規朗姿玉暢惠氣蘭披

書鈔一百三十四

吳喜

喜吳興臨安人本名喜公明帝減爲喜元嘉中爲主書令史進主圖令史孝建中擢諸王學官令左右尙方令河東太守殿中御史泰始初假建武將軍遷步兵校尉封竟陵縣侯遷輔國將軍尋陽太守再遷前軍將軍改封東興縣侯除交州刺史不行

又除右軍將軍淮陵太守假輔師將軍兼太子右衛率轉驍騎將軍兼左衛將軍加都督豫州諸軍事假冠軍將軍

報庾業劉延熙書

前驅之人忽獲來翰披尋狂惑良深悵駭聖主曰神武撥亂德盛勳高羣逆交煽滅在晷刻君等勳義之烈世荷國恩事愧鳴鴉不懷食糗今練勒所部星言進邁相見在近不復多陳

宋書吳喜傳

辭安都

安都河東汾陰人初爲魏雍秦二州都統元嘉二十一年歸國孝武鎮襄陽板爲揚武將軍北弘農太守隨王誕板爲建武將軍行後軍參軍尋除始興王濬征北參軍孝武舉義曰爲參軍加監朔將軍及卽位除右軍將軍封南鄉縣男免孝建初復除左軍將軍遷輔國將軍竟陵內史曰斬魯爽功進爵爲侯轉太子左衛率大明中改封武昌縣侯加散騎常侍又加征虜將軍

前廢帝卽位遷右衛將軍加給事中出爲前將軍兗州刺史徙平北將軍徐州刺史明帝卽位進號安北將軍不受舉兵同晉安王子勛子勛平奉書歸款尋復降魏魏曰爲徐州刺史河東公召還柔乾死於魏

奉啟書歸款

臣庸隸荒萌偷生上國過蒙世祖孝武皇帝過常之恩犬馬有心實感恩遇是日晉安始唱投誠孤往不期生榮實存死報今天命大歸羣迷改屬輒率領所部東骸待誅違拒之罪伏聽湯鑊

宋書
晉安

郡
傳

徐耕

耕晉陵延陵人自令史除平原令

詣縣陳辭

今年亢旱禾稼不登岷黎饑餒採掇存命聖上哀矜已垂存拯但

謹罄來久困殆者眾米穀轉貴糴索無所方涉春夏日月悠長不
有微救永無濟理不惟凡瑣敢憂身外鹿鳴之求思同野草氣類
之感能不傷心民糴得少米資供朝夕志欲自竭義存分滄今已
千斛助官賑貸此境連年不熟今歲尤甚晉陵境特爲偏祐此郡
雖獎猶有富室承陂之家處處而是竝皆保熟所失蓋微陳積之
穀皆有巨萬旱之所獎實鍾貧民溫富之家各有財寶謂此等竝
宜助官得過儉月所損至輕所濟甚重今敢自勵爲勸造之端實
願掘水揚塵崇益山海

宋書孝義徐耕傳元嘉二十一年大旱民飢耕詣縣陳辭縣爲言上當時議者曰耕

比漢卜式詔書

褒美酬曰縣令

蓋吳

吳北地瀘水人呂元嘉二十二年九月舉兵杏城自稱天台王
明年上表歸順自稱秦地王尋爲其下所殺

上表歸順

大四百四十一
小五十七

自靈祚南遷禍纏神土二京失統豹狼縱毒蒼元蹈犬噬之悲舊
都哀荼蓼之痛臣曰庸鄙仗義因機乘寇虜天亡之期藉二州思
奮之憤故創迹天台爰暨咸雍義風一鼓率土響同威聲既張士
卒効勇師不崇朝羣狡震裂殄逆鱗於函關掃凶迹於秦土非仰
協宋靈俯允羣願焉能若斯者哉今平城遺虐連兵大壇東西狼
顧威形莫接長安孤危河洛不戍平陽二孽世連土宇擁率部落
控弦五萬東屯潼塞任質軍門私署安西將軍常山白廣平練甲
高平進師汧隴北漠護軍結駟連騎提戈載驅胡蘭落生等部曲
數千擬擊僞鎮闔境顒顒仰望皇澤伏願陛下給一旅之眾北陵
河陝賜臣威儀兼給戎械進可已厭捍凶寇覆其巢窟退可已宣
國威武鎮御舊京使中都有鳴鑾之響荒餘懷來蘇之德謹遣使
人趙綰馳表丹誠

宋書索虜傳元嘉二十三年蓋吳年二十九於杏城天台舉兵反虜諸戎夷並響應有眾十餘

萬壽間吳反惡其名累遣軍擊之輒敗吳上表歸順

又上表

臣聞天無貳日地無貳主昔中都失統九域分崩羣凶巨列於天
邑飛鶚鳴目於四海先皇慈懷內發愍及戎荒翦僞羌於長安雪
黎民之荼炭政教既被民始寧蘇天未亡難禍亂仍起儉狃侏張
侵暴中國使長安爲豺狼之墟鄴洛爲蜂蛇之藪繼毒生民虐流
兆庶士女能言莫不嘆憤傾首東望仰希拯接咸同旱苗之待天
澤赤子之望慈親臣仰恩天時已義伐暴輒東西結連南北樹黨
五州同盟迭相要契仰馮威靈千里雲集冀廓除榛莽已待王師
義夫始臻莫不瓦解虜主二月四日傾資倒庫與臣連營接刃交
鋒無日不戰獲賊過半伏屍蔽野伏願特遣偏師賜垂拯接若天
威既震足使姦虜潰亡遺民小大咸蒙生造

宋書索虜傳肅遣軍
屢敗乃自率大眾攻

之吳又
上表

魯爽

爽小名女生扶風郿人爲魏寧南將軍荊州刺史襄陽公鎮長社元嘉二十八年率家屬部曲來歸授督司州陳畱東郡濟陰濮陽五郡軍事征虜將軍司州刺史加督豫州之義陽宋安二郡軍事領義陽內史元凶劭弑立南譙王義宣起兵入討進平北將軍領巴陵太守度支校尉事平曰爲使持節督豫司秦雍并五州諸軍事左將軍豫州刺史孝建元年奉義宣起兵進征北將軍爲辭安都所斬

與弟秀南歸奉辭於南平王鐸

爽秀得罪本朝負釁三世生長絕域遠身胡虜兄弟閭門淪黜僞授殞命不可還國無因近係南雲傾屬東日蓋猶痿人思步盲者願明嵩霍咫尺江河匪遠夷庚雖塞隔同天地痛心疾首晝慨宵悲虜主猖狂豺豕其志虐徧華戎怨結幽顯自盱眙旋軍亡殪過半昏酣沈湎恣性肆身爽秀等因民之憤籍將旋之願齊契義奮

梟馘醜徒馮恃皇威肅清逋穢牢洛諸城指期克定規呂涓塵微
雪夙負方當東轍北闕待戮司寇懦節未申伏心邊表明大王殿
下呂叡茂居藩文武兼姿遠邇欽傾承風聞德願垂援拯呂慰虔
望老弱百口先遣歸庇逼逼丹心仰希懷遠謹遣同義潁川聶元
初奉詞陳聞

宋書魯爽傳元嘉二十八年爽率部曲千餘家奔汝南遣秀從許昌還壽陽奉辭於南平王樂

板義宣及臧質等文

丞相劉劭今補天子名義宣車騎臧今補丞相名質平西朱今補車
騎名脩之皆板到奉行

宋書魯爽傳南史四十

劉康祖

康祖彭城呂人世居京口襲父虔之爵新康縣男元嘉中爲征
虜中兵參軍歷安蠻府司馬轉左軍將軍與魏戰死贈益州刺

史諡曰壯

令軍中

大五百零二
小五十

顧望者斬首轉步者斬足

御覽三百十二引裴子野宋略左將軍劉康祖聞虜寇壽陽自虎牢率七千人

來赴虜至者八萬

騎康祖令軍中

劉興祖

興祖元嘉中爲少府拜青州刺史

案南齊書王奐傳永明十一年奐輒殺寧蠻長史劉興祖

距此四十年當別是一人

建議伐河北

河南阻飢野無所掠脫意外固守非旬月可拔稽留大眾轉輸方勞伐罪弔民事存急速今僞帥始死兼逼暑時國內猜擾不暇遠赴關內之眾裁足自守愚謂宜長驅中山據其關要冀州已北民人尙豐兼麥已向熟資因爲易向義之徒必應響赴若中州震動黃河已南自當消潰臣城守之外可有二千人今更發三千兵假別駕崔勳之振威將軍領所發隊并二州望族從蓋柳津直衝中山申坦率歷城之眾可有二千駱驛俱進較略二軍可七千許人

既入其心腹調租發車已充軍用若前驅乘勝張永及河南眾軍
便宜一時濟河使聲實兼舉愚計謬允宜竝建司牧撫柔初附定
州刺史取大嶺冀州刺史向井陘并州刺史屯雁門幽州刺史塞
軍都湘州刺史備大行因事指麾隨宜加授畏威欣寵人百其懷
濟河之日請大通版假常忿將率憚於深遠勦之等慷慨之誠誓
必死效若能成功清一可待若不克捷不爲大傷竝催促裝束伏
聽敕旨

宋書索虜傳元嘉二十九年太祖更遣張永王玄謨及魯爽等北伐青州刺史劉興祖建議伐河北上意止存河南

不納

虞愿

愿字士恭會稽餘姚人元嘉末爲國子生遷湘東王國常侍轉
潯陽王府墨曹參軍明帝卽位除太常丞兼尙書祠部郎通直
散騎侍郎領本郡中正遷兼中書郎元徽初出爲晉平太守已
母老解職除後軍將軍遷中書郎領東觀祭酒除驍騎將軍遷

廷尉齊受禪遷宋廟主拜辭流涕尋卒

祀孝武昭后二廟議

夫烝嘗之禮事存繼嗣故傷尊雖近弟姪弗祀君道雖高臣無祭典案晉景帝之於武帝屬居伯父武帝至祭之日猶進觴爵今上既纂祠文皇於孝武室謂宜進拜而已觴爵使有司行事案禮過墓則軾過祀則下凡在神祇尙或致恭況昭太后母臨四海至尊親曾北面兄母有敬謂宜進拜祝文宜稱皇帝諱尋皇后廟見之禮本脩虔爲義今於孝武論其嫂叔則無通問之典語其尊卑亦無相見之義又皇后登御之初昭后猶正位在宮敬謁之道久已前備愚謂孝武昭太后二室並不復薦告

宋書禮志四泰始二年六月太常丞虞愿議

郊祀議

郊祭宗祀俱主天神而同日殷薦於義爲黷明詔使圓丘報功三載一享明堂配帝間歲昭薦詳辰酌衷實允懋典

宋書禮志三泰始六年五月初

兼曹郎
虞愿議

丘珍孫

珍孫吳興人元嘉末爲府司馬寧朔將軍

與王僧達書

聞褚先生出居貴館此子滅景雲棲不事王侯抗高木食有年載
矣自非折節好賢何已致之昔文舉棲冶城安道入昌門於茲而
三焉夫卻粒之士淪霞之人乃可慙致不宜久羈君當思遂其高
步成其羽化望其還策之日慙紆清塵亦願助爲譬說

齊書褚伯玉傳南史

褚伯玉傳

丘景先

景先珍孫子大明中爲殿中郎前廢帝時出爲鄱陽內史泰始
初晉安王子勛建號曰爲廬陵內史轉竟陵太守子勛敗變形
爲沙門逃走吳喜擒殺之

大四百四十九
小五十五

祭霍山議

脩祀川嶽道光列代差秩珪璋義昭聯冊但業曠中葉儀漏典文
尋姬典事繼宗伯漢載持節侍祠血祭靈沈經垂明範酒脯牢具
悉有詳例又名山著珪幣之異大冢有嘗禾之嘉山海祠霍山曰
太牢告玉此準配記傳其可言者也今皇風緬暢輝祀通嶽愚謂
宜使曰太常持節牲曰太牢之具羞用酒脯時穀禮曰赤璋纁幣
又鬯人之職凡山川四方用脰則盛酒當曰蠡栝其餘器用無所
取說案郊望山瀆曰質表誠器尙陶匏籍曰茅席近可依準山川
曰兆宜爲壇域

宋書禮志四大明七年有司奏詔奠祭霍山未審
應奉使何官用何牲饌進奠之日又用何器殿中

郎上景
先議

上邁之

邁之孝建初博士

閏月周忌議

案吳商議閏月亡者應以本正之月爲忌謂正閏論雖各有所執
商議爲允宜以今六月爲忌宋書禮志二孝建元年六月湘東國
刺稱國太妃去三十年閏六月二
十八日薨未詳周忌當在六月爲取七月勒
禮官議正博士丘邁之議又見通典一百
徐宏

宏孝建初太學博士

殄寇告二郊議

禮無不報始旣遍告今賊已禽不應不同

宋書禮志三孝建元年
六月太學博士徐宏陸

澄孫
勃議

東平沖王耐主議

王旣無後追贈無臣殤服旣竟靈便合毀記曰殤與無後者從祖
耐食又曰士大夫不得耐於諸侯耐於祖之爲士大夫者案諸侯
不得耐於天子沖王則宜耐諸祖之廟爲王者應耐長沙景王廟
宋書禮志四孝建元年七月太學
博士徐宏議又見通典五十二

大三百八十三
小一百五十九

殷祭議

三年之喪雖從權制再周祥變猶服縞素未爲純吉無容曰祭謂
來年四月未宜便殷十月則允

宋書禮志三孝建元年十二月太學博士徐宏議又見通典五十

蘇瑋生

瑋生孝建初國子助教

平賊告二郊議

案王制天子巡狩歸假於祖禰又曾子問諸侯適天子告於祖禰
於禰命祝史告於社稷宗廟山川告用牲幣反亦如之諸侯相見
反必告於祖禰乃命祝史告至於前所告者又云天子諸侯將出
必曰幣帛皮圭告於祖禰反必告至天子諸侯雖事有小大其禮
略鈞告出告至理不得殊鄭云出入禮同其義甚明天子出征類
于上帝推前所告者歸必告至則宜告郊不復容疑元嘉三年唯
告廟社未詳其義或當曰禮記唯云歸假祖禰而無告郊之辭果

立此義彌所未達夫禮記殘缺之書本無備體折簡敗字多所闕略正應推例求意不可動必徵文天子反行告社亦無成記何故告郊獨當致嫌但出入必告蓋孝敬之心既已告歸爲義本非獻捷之禮今輿駕竟未出宮無容有告至之文若陳告不行之禮則爲未有前準愚謂祝史致辭已昭誠信苟其義舛於禮自可從實而闕臣等參議已應告爲允宜竝用牲告南北二郊太廟太社依舊公卿行事

宋書禮志三孝建元年六月八座奏云云國子助教蘇瑋生議詔可

殷祭議

案禮三年喪畢然後祫於太祖又云三年不祭唯天地社稷越紼行事且不禪卽祭見譏春秋求之古禮喪服未終固無祿享之義自漢文已來一從權制宗廟朝聘莫不皆吉雖祥禫空存無紼縞之變丞嘗薦祀不異平日殷祠禮既弗殊豈獨已心憂爲礙

宋書禮志

三孝建元年十二月國子助教蘇瑋生議又見通典五十